

Fundacion Accion Ambiental a urgi gobierno pa no traha hotel ariba baranca



ORANJESTAD (AAN): Fundacion Accion Ambiental por a tuma nota di un publicacion haci den tur medianan di comunicacion skirbi aki na Aruba na unda Ministerio di Desaroyo Teritorial, Infraestructura y Medio Ambiente ta concientisa en cuanto Dia Internacional de conservacion di mangelnan y ecosistema.

Fundacion Accion Ambiental a laga sa cu nan a keda sorprende pa e publicacion aki debi cu ta net e Minister di Ministerio di Desaroyo Teritorial, Infraestructura y Medio Ambiente ta esun cu ta hacienda daño grandi na medio ambiente laga rosa terenonan sin tene nan mes na reglanan internacional y local tambe laga bora piedranan historico na diferente parti di nos isla y un di nan ta na e avenida Watty Vos tambe destrui nos mangrovenan mes na Pos Chiquito y tambe cobra y haci destruccion na Sero Teishi.


Ta papia masha bunita y ta concientisa e pueblo anto ta e Minister y Ministerio mes di Medio Ambiente a duna tereno ariba baranca panort di Baby Beach y Santana di Cacho pa traha un hotel pa cual area y baranca ta area Preserva manera Sasaki Plan tine marca Preserve Area.

Dicon Minister y Ministerio di Desaroyo Teritorial, Infraestructura y Medio Ambiente a bay duna permiso ariba e baranca cu tin mangelnan cora y cu ta parti di

e ecosistema di full e area di mangel cora wel pesey e tunnel di awa jama mangel cora well cu ta fuente principal di tur e mangelnan esta mangrovenan cora tanto na Baby Beach te cu Santana di Cacho y tambe na tur e matanan di mangrove cora cu tin ariba full e baranca cu kier usa pa hotel cu ta un destruccion completo na mangelnan mangrovenan ariba e baranca e tereno cu a wordo entrega na e desaroyadorman di e hotel yama mangel aruba sabiendo cu full e area tin mangel cora y cu tin un tunnel di awa cu yama mangel cora wel tocht a duna permiso pa traha hotel y awe ta bin den media y bin papia y concientisa comunidad con pa protega y cuida nos mangrovenan esta mangelnan na Aruba y e ecosistema.

"Pesey Fundacion Accion Ambiental a urgi gobierno di Aruba y e minister concerni y su ministerio pa no traha hotel ariba e baranca. Si DNM a duna conseho cu no tin nada di balor di naturalesa anto Fundacion Accion Ambiental tin mas Aña cu DNM mes y cu nos tin Sr.M.Bislip cu ta prepera pa haci investigacion ambiental cu a hanja preparacion di científico Brando Whittaker cu un tempo tabata biba den Colony".

Accion Ambiental for di 1997 te cu awe conoce e area aki perfectamente pa su baloman natural, historico y cultural. Den un investiga-



cion recien haci tin masha hopi mangrove ariba e baranca y varios matanan proteha, cuevanan, e tunnel di awa cu ta duna e awa na full e sistema di mangrovenan den e area y benanan cu ta pasa. Den e area tin varios parhanan entre nan shoco y

kinikini y ariba e baranca tin mangrove cora esta mangel cora.

Fundacion Accion Ambiental no ta papia of publica sin cu tin prueba pesey a laga haci un investigacion profundo y tin masha prueba pa Preserva e area aki.

Si kier di berdad proteha nos medio ambiente nos naturalesa nos mangrovenan cora, nos cuevanan, tunnel di awa y mata y parhanan anto stop pa traha hotel of otro Proyecto ariba e baranca cu tin un balor ecologico basta grandi.